



Mr. 3694/1 Prot

Dt. 12.07.22

REPUBLIKA E SHQIPËRISË  
PREFEKTI I QARKUT SHKODER

Nr. 444/1 prot.

Shkodër, më 8.07.2022



**Lënda:** Mbi Vendimin nr. 40, datë 27.06.2022 të Këshillit Bashkiak Vau Dejës

**KËSHILLI BASHKIAK VAU DEJËS**

Prefekti i Qarkut Shkodër në zbatim të detyrave të tij funksionale të përcaktuara në ligjin nr. 107/2016 “Për Prefektin e Qarkut”, neni 8, shkronja “a”, të Urdhërit të Kryeministrit nr. 50, datë 12.04.2017 “Për miratimin e detyrave të administratës së Prefektit të Qarkut”, të Urdhërit të MB nr. 175, datë 09.07.2020 “Për miratimin e rregullores së brendshme “Për organizimin dhe funksionimin e Institucionit të Prefektit të Qarkut”, si dhe aneksin I, “Rregullat për procedurat e verifikimit dhe kontrollin nga Prefekti i Qarkut”, të ligjit nr. 139/2015 “Për vetëqeverisjen vendore”, të ndryshuar, neni 29, neni 54, shkronja “n”, neni 55, pika 3, neni 64, shkronja “c”, të ligjit nr. 45/2019 “Për mbrojtjen civile”, neni 3, shkronja “j”, neni 32, shkronja “d”, neni 38, të ligjit nr. 45/2016 “Për vullnetarizmin”, të VKM nr. 667, datë 10.11.2021 “Për trajtimin e vullnetarëve për angazhimin e tyre në aktivitete të mbrojtjes civile apo në operacionet e parandalimit e të përballimit të fatkeqësive”, të shkresës së Këshillit të Bashkiak Vau Dejës nr. 3690 prot., datë 27.06.2022 “Dokumentacioni i mbledhjes së Këshillit Bashkiak Vau Dejës, datë 27.06.2022”, shqyrtoi *VKB Vau Dejës nr. 40, datë 27.06.2022 “Për krijimin, organizimin dhe funksionimin e shërbimit vullnetar të Bashkisë Vau Dejës”.*

Për sa trajtuar, Prefekti ju autorizon procedimin.

Duke ju falënderuar për bashkëpunimin,

**P R E F E K T I**

**Majlinda ANGONI**





REPUBLIKA E SHQIPËRISË



Nr. \_\_\_\_\_ prot.

Vau Dejës, më \_\_\_\_ . \_\_\_\_ .2022

**V E N D I M**

Nr. 40 , datë 27.06 .2022

**PËR**

**KRIJIMIN, ORGANIZIMIN DHE FUNKSIONIMIN E SHËRBIMIT VULLNETAR TË BASHKISË VAU DEJËS**

Në mbështetje të ligjit nr. 139/2015 “Për vetëqeverisjen vendore”, të nenit 9 dhe 10, të ligjit nr. 45/2016 “Për vullnetarizmin”, të Vendimit të Këshillit të Ministrave nr. 506, datë 17.7.2019, “Për miratimin e kodit të etikës së vullnetarit”, të Urdhrit nr. 299, datë 6.11.2018, të Ministrit të Financave dhe Ekonomisë, “Për formën dhe përmbajtjen e librezës së vullnetarizmit”, të Urdhrit nr. 300, datë 6.11.2018, të Ministrit të Financave dhe Ekonomisë, “Për formën dhe përmbajtjen e regjistrit të kontratave të vullnetarizmit”, me propozim të kryetarit të Bashkisë, Këshilli Bashkiak Vau Dejës,

**V E N D O S I:**

1. Në cilësinë e ofruesit dhe përfituesit të vullnetarizmit, pranë Bashkisë Vau Dejës, të krijohet “Shërbimi Vullnetar i Bashkisë Vau Dejës”.
2. Shërbimi Vullnetar i Bashkisë Vau Dejës organizohet pranë **Sektorit të Emergjencave Civile** ,dhe ofron vullnetarizëm në fushat si më poshtë:
  - a) Mbrojtja e mjedisit;
  - b) Mbrojtja dhe përkujdesja sociale;
  - c) Vëzhgimin , sinjalizimin dhe shuarjen e zjarreve në pyje;
  - d) Kulturës dhe sportit;
3. Sektori/drejtorja e **Emergjencave Civile** ,përgjigjet për:
  - a) Regjistrimin e vullnetarëve;
  - b) Regjistrimin e organizatave jofitimprurëse që ofrojnë apo kërkojnë të ofrojnë vullnetarizëm brenda territorit administrativ të bashkisë Bashkisë Vau Dejës;
  - c) Organizimin e vullnetarëve në “Skuadra vullnetare”, me përbërje 10-15 anëtare, sipas fushës së vullnetarizmit që do të ofrohet;
  - d) Përgatitjen e planit të aktiviteteve të Shërbimit Vullnetar të Bashkisë Vau Dejës.
  - e) Bashkërendimin e veprimtarisë me drejtoritë e bashkisë për identifikimin e nevojave për vullnetarizëm dhe kryerjen e aktiviteteve të vullnetarizmit;
  - f) Bashkërendimin e veprimtarisë me “Skuadrat vullnetare” dhe organizatat jofitimprurëse të regjistruara, për ofrimin e vullnetarizmit;
  - g) Monitorimin dhe vlerësimin e shërbimit vullnetar;
  - h) Organizimin e trajnimit të vullnetarëve;
  - i) Pajisjen me uniformë, vegla e pajisje të domosdoshme pune sipas kushteve të përcaktuara në kontratën e vullnetarizmit;
  - j) Përgatitjen e projekt-raportit vjetor mbi gjendjen e vullnetarizmit në Bashkinë Vau Dejës.

4. Vullnetar i Shërbimit Vullnetar të Bashkisë Vau Dejës, mund të bëhet:
- Çdo person, vendas ose i huaj, që gëzon zotësi të plotë për të vepruar, sipas legjislacionit në fuqi dhe me vullnet të lirë kryen vullnetarizëm;
  - Çdo person me aftësi të kufizuara, i cili mund të kryejë vullnetarizëm, në përputhje me aftësitë dhe zhvillimin e tij fizik e mendor;
  - Çdo i mitur i moshës 15 deri 18 vjeç, kur prindi ose përfaqësuesi i tij ligjor ka dhënë pëlqimin me shkrim për lidhjen e kontratës.
5. Të drejtat dhe detyrimet e vullnetarëve të Shërbimit Vullnetar të Bashkisë Vau Dejës janë ato të përcaktuara në ligjin dhe aktet nënligjore në fuqi për vullnetarizmin, si dhe të drejta e detyrime të tjera të përcaktuara në kontratën e vullnetarizmit, për aq sa ato nuk cenojnë të drejtat e përcaktuara në ligj.
6. Për tu regjistruar si vullnetar i Shërbimit Vullnetar të Bashkisë Vau Dejës, çdo person duhet të paraqes pranë bashkisë këto dokumente:
- Kërkesë me shkrim ku të përcaktohet fusha e vullnetarizmit që dëshiron të ofrojë;
  - Fotokopje të kartës së identitetit ose pasaportës;
  - Jetëshkrimin;
  - Vërtetim të gjendjes shëndetësore;
  - Çdo dokument tjetër që dëshmon aftësitë në kuadër të angazhimit të tij si vullnetar.
7. Organizatat jofitimprurëse të cilat dëshirojnë të ofrojnë vullnetarizëm në territorin administrativ të Bashkisë Vau Dejës, duhet të deklarojnë objektin dhe qëllimin e vullnetarizmit dhe të dorëzojnë për regjistrim, dokumentet si më poshtë:
- Kërkesën për ofrim vullnetarizmi ose njoftimin për ofrim të vullnetarizmit për rastet kur organizata është e autorizuar të kryej vullnetarizëm nga institucioni i prefektit, një institucion qendror ose ministri e linjës;
  - Dokumentin ligjor të regjistrimit si organizatë jofitimprurëse;
  - Ekstraktin historik të lëshuar nga organi publik kompetent;
  - Projektin ose planin për kryerjen e vullnetarizmit, si dhe përshkrimin e rezultateve që priten të arrihen.
8. Sektori/ drejtorja i **Emergjencave Civile** pasi verifikon saktësinë e dokumentacionit të dorëzuar dhe përmbushjen e kriterëve ligjore të kërkuesit për vullnetarizëm:
- Përgatit kontratën e vullnetarizmit sipas "Aneksi A" bashkëlidhur këtij vendimi, e cila nënshkruhet nga kryetari i Bashkisë/ nënkryetari/ ose drejtorja (*këshillohet që kontrata e vullnetarizmit të nënshkruhet nga kryetari ose nënkryetari i Bashkisë pasi simbolika është me e fortë, por mund të caktohet dhe drejtori i drejtorisë përgjegjëse për shërbimin vullnetar*).
  - Kryen regjistrimin e personit si vullnetar të Shërbimit Vullnetar të Bashkisë Vau Dejës;
  - Kryen regjistrimin e organizatës jofitimprurëse si ofrues vullnetarizmi në Bashkinë Vau Dejës;
  - Lëshon vërtetimin për regjistrimin e personit si vullnetar të Shërbimit Vullnetar të Bashkisë Vau Dejës;

- e) Lëshon vërtetimin për regjistrimin e organizatës jofitimprurëse si ofruer vullnetarizmi në Bashkinë Vau Dejës.
9. Shërbimi Vullnetar i Bashkisë Vau Dejës aktivizohet dhe drejtohet nga **sektori i emergjencave civile**
10. Për numrin, përbërjen dhe fushën e veprimtarisë së Shërbimit Vullnetar të Bashkisë Vau Dejës, të informohet çdo vit institucioni i Prefektit, Agjencia Kombëtare e Mbrojtjes Civile, dhe ministria përgjegjëse për çështjet e punës,
11. Përgjigjet për zbatimin e këtij vendimi: drejtoritë në bashkinë Vau Dejës, vullnetarët e Shërbimit Vullnetar të Bashkisë Vau Dejës, dhe organizatat jofitimprurëse që ofrojnë vullnetarizëm në territorin administrativ të bashkisë.

Ky vendim hyn në fuqi menjëherë

**K R Y E T A R**  
**Mark Bisha**

Sekretari i Këshillit Bashkiak  
**Ardian Çelepija**

Miratuar me 19 vota  
Vota Pro 19  
Vota Kunder -  
Vota Abstenim -  
Zbardhur me datë 04.07 2022

